

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA SITA

12 APRILI, 2017



ORODHA YA SHUGHULI ZA LEO

MKUTANO WA SABA

KIKAO CHA SITA – TAREHE 12 APRILI, 2017

I. DUA:

II. MASWALI:

OFISI YA RAIS (TAMISEMI):

45. MHESHIMIWA BUPE NELSON MWAKANG'ATA
(VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali inatambua uwepo wa Wenyeviti wa Vitongoji na Vijiji ambao wanatekeleza majukumu yao moja kwa moja na Wananchi:-

Je, Serikali ina mpango gani wa kuwalipa posho Viongozi hao kama inavyofanya kwa Madiwani.

**46. MHESHIMIWA FLATEI GREGORY MASSAY
(MBULU VIJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Wananchi wa Mji wa Haydom wamekuwa wakiomba Haydom iwe Mamlaka ya Mji Mdogo:-

Je, ni lini Serikali itaupa Mji wa Haydom hadhi hiyo.

**OFISI YA MAKAMU WA RAIS (MUUNGANO NA
MAZINGIRA):**

**47. MHESHIMIWA ALLAN JOSEPH KIULA
(IRAMBA MASHARIKI):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Baadhi ya maeneo ya Halmashauri ya Mkalama ni kame sana:-

Je, Serikali ipo tayari kusaidia Mradi wa upandaji miti katika maeneo hayo.

WIZARA YA VIWANDA, BIASHARA NA UWEKEZAJI:

48. MHESHIMIWA AYSHAROSE NDOGHOLI MATTEMBE (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:- alizeti ndio zao kubwa la biashara na limekuwa ni kimbilio kubwa kwa maisha ya Wananchi wa Mkoa wa Singida. Katika Mwaka wa Fedha 2015/2016, Singida ilipatiwa mashine ndogo tisa za kukamulia alizeti ambazo hazikidhi matarajio ya Wakulima katika kujikwamua kiuchumi; na alizeti inayozalishwa Mkoani humo ambayo ni bora Afrika ya Mashariki na Kati haijapatiwa soko la uhakika kwa maana ya kuwa na viwanda vya kutosha ili wakulima waweze kuuza zao hilo kwa urahisi:-

Je, Serikali ina mpango gani wa kuhamasisha wawekezaji wa ndani na nje kuanzisha viwanda vya kisasa vya kukamulia mafuta ya alizeti Mkoani Singida.

WIZARA YA NISHATI NA MADINI:

49. MHESHIMIWA CONSTANTINE JOHN KANYASU (GEITA MJINI):

Atamuuliza Mheshimiwa Waziri wa Nishati na Madini:- Wananchi wa Mtaa wa Katoma na Magema katika Kata za Mtakuja na Kalangalula

kwa muda mrefu wamezuiwa kuendeleza ardhi zao kwa sababu mgodi wa GGM ulipima na kuweka vigingi vya mpaka ndani ya makazi yao:-

Je, ni lini mgodi huo utawalipa fidia ili kupisha shughuli za mgodi huo.

WIZARA YA UJENZI, UCHUKUZI NA MAWASILIANO:

50. MHESHIMIWA JOSEPH OSMUND MBILINYI (MBEYA MJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Nyumba nyingi katika barabara kuu ya Zambia Jijini Mbeya kuanzia maeneo ya Uyole mpaka Lwambi ziliwekwa alama ya X kuashiria kuvunjwa ili kupisha upanuzi wa barabara hiyo muhimu; na wapo wananchi waliowekwa alama nyekundu walivunja nyumba zao wenyewe na wananchi waliowekwa alama X za kijani bado wanasubiri fidia:-

(a) Je, mradi huo umefikia wapi na ni lini upanuzi huo utaanza;

(b) Je, upanuzi huo umezingatia ushauri wangu wa kuweka njia nne (four lanes) toka Uyole mpaka Songwe Airport ili kuondoa kabisa tatizo la foleni ambalo linakuwa siku hadi siku Jijini Mbeya.

WIZARA YA MAMBO YA NDANI YA NCHI:

51. MHESHIMIWA RAPHAEL JAPHARY MICHAEL (MOSHI MJINI):

Atamuuliza Mheshimiwa Waziri wa Mambo ya Ndani ya Nchi:- Mkoa wa Kilimanjaro una tatizo la uhaba wa magari ya zimamoto; gari linalofanya kazi mpaka sasa ni moja tu hivyo kufanya huduma ya zimamoto kuwa duni sana:-

- (a) Je, ni lini Serikali itaongeza magari mengine mawili ili kusaidia shughuli za zimamoto na kuepusha hasara zinazowakabili wananchi wanaopata majanga ya moto;
- (b) Je, Serikali haioni kwamba uamuzi wa kuhamishia Kitengo cha Zimamoto Wizara ya Mambo ya Ndani umeiongezea mzigo Wizara hiyo na kupunguza ufanisi wa shughuli za Zimamoto.

WIZARA YA AFYA, MAENDELEO YA JAMII, JINSIA, WAZEE NA WATOTO:

52. MHESHIMIWA FATMA HASSAN TOUFIQ (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Baadhi ya Nchi za Afrika kama Uganda na Zimbabwe zimejenga viwanda vyao kwa ajili ya kutengeneza dawa za kupunguza makali ya VVU (Generic za HIV) na hivyo kupunguza gharama za kusaidiwa dawa hizo ambazo zinabadilishwa kila baada ya miaka kadhaa na hivyo kutengeneza usugu kwa baadhi ya magonjwa:-

- (a) Je, Serikali ina mpango wowote wa kujenga kiwanda cha kutengeneza ARVs za watoto;
- (b) Kwa dawa zinazoletwa hapa nchini, Je kuna ARVs za watoto.

53. MHESHIMIWA KHATIB SAID HAJI (KONDE):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kumekuwa na ongezeko kubwa la watoto wa mitaani hasa katika Miji Mikuu ya nchi yetu:-

Je, Serikali inachukua hatua gani kupunguza tatizo hilo ili watoto hao walelewe katika mazingira salama na maadili halisi ya Kitanzania.

WIZARA YA KATIBA NA SHERIA:

54. MHESHIMIWA RITTA ENESHER KABATI (VITI MAALUM):

Atamuuliza Mheshimiwa Waziri wa Katiba na Sheria:- Sheria ya Ndoa ya Mwaka 1971 imekuwa ya muda mrefu na hivyo kupitwa na wakati:-

Je, ni lini Sheria hii itafanyiwa marekebisho ili iendane na mahitaji na kuondoa upungufu uliopo.

III. HOJA ZA SERIKALI:

WAZIRI MKUU:

Kwamba, Bunge likubali kupitisha Makadirio ya Mapato na Matumizi ya Ofisi ya Waziri Mkuu kwa Mwaka wa Fedha 2017/2018.

(Majadiliano yanaendelea)

**DODOMA
12 APRILI, 2017**

**DKT. T. D. KASHILILAH
KATIBU WA BUNGE**